

魯迅日記

上卷

人民文學出版社

一九七六年·北京

出版说明

《鲁迅日记》，从一九一二年五月五日起至一九三六年十月十七日止，作者生前未发表过。一九五一年上海出版公司曾据手稿影印一版；其中一九二二年的，因手稿失落付阙。一九五九年由我社据影印本加标点后（手稿原无标点）排印一版，分上下两册；其中一九二二年部分，则据许寿裳所录存之片断补入。

这次的重排本，系根据影印本重新核校、标点。有关核校的几点说明如下：

一、手稿中的古体字，除必要保存者外，都已改为今体字。

二、手稿中的笔误，包括漏字和衍文，其明显的已经予订正，不再加注说明；如有需要，则将订正之字标以方括弧，附于原字之后，如“吴君玉播”改为“吴〔胡〕君玉播”、“任白涛”改为“任〔何〕白涛”等。

三、少数有疑问之处，标以疑问号（〔？〕）存疑。

关于一九二二年的日记，这次仍将许寿裳录存的片断列为附录，以供研究者参考。

本书这次的重排本，在核校、标点以及新附的“人名索引”等方面可能仍有不少缺点，希望读者指出，俾再版时得以改正。

人民文学出版社编辑部

一九七六年七月

目 录

壬子日记〔一九一三年〕	1
附书帐	
癸丑日记〔一九一三年〕	33
附书帐	
甲寅日记〔一九一四年〕	79
附书帐	
乙卯日记〔一九一五年〕	125
附书帐	
丙辰日记〔一九一六年〕	175
附书帐	
丁巳日记〔一九一七年〕	229
附书帐	
戊午日记〔一九一八年〕	265
附书帐	
己未日记〔一九一九年〕	301
附书帐	
日记第九〔一九二〇年〕	331
附书帐	
日记第十〔一九二一年〕	353
附书帐	

日记十一〔一九二二年〕	
已佚	
日记十二〔一九二三年〕	381
附书帐	
日记十三〔一九二四年〕	415
附书帐	
日记十四〔一九二五年〕	455
附书帐	
日记十五〔一九二六年〕	497
附书帐	
日记十六〔一九二七年〕	541
附书帐 西牖书沙	
日记十七〔一九二八年〕	587
附书帐	
日记十八〔一九二九年〕	631
附书帐	
日记十九〔一九三〇年〕	679
附书帐	
日记二十〔一九三一年〕	729
附书帐	
日记廿一〔一九三二年〕	771
附书帐	
日记廿二〔一九三三年〕	815
附书帐	

日记二十三〔一九三四年〕	869
附书帐	
日记二十四〔一九三五年〕	935
附居帳 书帳	
日记二十五〔一九三六年〕	995
附书帳	
附录：一九三二年日记断片	1035
人名索引	1040 后

壬子日记

五月

五日 上午十一时舟抵天津。下午三时半车发，途中弥望黄土，间有草木，无可观览。约七时抵北京，宿长发店。夜至山会邑馆访许铭伯先生，得《越中先贤祠目》一册。

六日 上午移入山会邑馆。坐骡车赴教育部，即归。予二弟信。夜卧未半小时即见蟹虫三四十，乃卧卓上以避之。

七日 夜饮于广和居。长班为易床板，始得睡。

八日 致二弟信凡三纸，恐或遗失，遂以快信去。下午得二弟信，二日发。夜饮于致美斋，国亲作主。

九日 夜小雨。微觉发热，似冒寒也。

十日 晨九时至下午四时半至教育部视事，枯坐终日，极无聊赖。国亲移去。

十一日 上午得二弟、信子、三弟信，五日发。午就胡梓方寓午餐。夕董恂士来，张协和亦至，食于广和居。董君宿于邑馆，以卓卧之。

十二日 星期休息。晨协和来。午前何燮侯来，午后去。下午与季茀、诗荃、协和至琉璃厂，历观古书肆，购傅氏《纂喜庐丛书》一部七本，五元八角。寄二弟信。

十三日 午阅报载绍兴于十日兵乱，十一犹未平，不测诚妄，
 △ 愁绝，欲发电询之，终不果行。夕与季茀访燮和于海昌会馆。

十四日 晨以快信寄二弟，询越事诚妄。

十五日 上午得范爱农信，九日自杭州发。

十六日 下午蒯若木来。夕蔡国青来，饭后去。

十七日 大雨。宣武门左近积水没胫，行人极少，予与季市往返共一骡车。

十八日 晴。下午吴一斋来。董恂士、张协和来，与季市俱至广和居，蔡国亲已先在，遂共饭。夜恂士宿季市处。

十九日 与恂士、季市游万生园。又与季市同游陶然亭，其地有造象，刻梵文，寺僧云辽时物，不知诚否。苦望二弟信不得。夜得范爱农信，十三自杭州发。

二十日 晨得宋子佩信，十二自越发。上午得童鹏超信，十三自越发，谬极。

二十一日 上午顾石臣至部来访，谢不见。晚散步宣武门外，以铜元十枚得二花卉册，一梅，一夫渠，题云恽冰绘，恐假托也。

二十二日 晚顾石臣来，纠缠不已，良久始去。

二十三日 晨寄范爱农、宋子佩信。下午得二弟信，十四日发，云望日往申迎羽太兄弟。又得三弟信，云二弟妇于十六日下午七时二十分娩一男子，大小均极安好，可喜。其信十七日发。晚寄二弟信。

二十四日 梅君光義贻佛教会第一、二次报告各一册。

二十五日 下午至琉璃厂购《李太白集》一部四册，二元。《观

无量寿佛经》一册，三角一分二。《中国名画》第十五集一册，一元五角。

二十六日 星期休息。下午同季市、诗荃至观音寺街青云阁啜茗，又游琉璃厂书肆及西河沿劝工场。

二十七日 得二弟信，二十一日发。

二十八日 晨寄二弟及其夫人信。晚谷青来。

二十九日 无事。

卅日 得津帖六十元。晚游琉璃厂，购《史略》一部两册，八角。李龙眠白描《九歌图》一帖十二枚，六角四分。罗两峰《鬼趣图》一部两册，两元五角六分。

卅一日 下午寄二弟信。晚得二弟、三弟信，廿六日发。夕谷清招饮于广和居，季市亦在坐。

六 月

一日 下午寄二弟、三弟信。晚同恂士、铭伯、季市饮于广和居。

二日 星期休息。午后铭伯、季市、诗荃同游万生园。张协和、游观庆来，不值。

三日 夜腹痛。收二十七、八日《民兴日报》各一分。

四日 得范爱农信，三十日杭州发。

五日 下午寄二弟信。晚雨有雷，少顷霁。

六日 下午雨。得二弟信，三十日发。夜补绘《於越三不朽图》阙叶三枚。

七日 阴。得升叔信，二日九江发。收初一日《民兴日报》一分。得杜海生信。

八日 晚访杨莘士于吴兴会馆。国亲来。收五月卅一日《民兴报》一分。

九日 晨商生契衡来。上午至青云阁理发。午后赴琉璃厂购《四印斋校刻词》三种一部四册，一元。善化童氏刻本《沈下贤集》一部二册，二元五角。《畿辅丛书》本李卫公《会昌一品集》一部六本，二元。得二弟信，三日杭州发。收初二、三《民兴报》各一分。夜大雷雨。

十日 晨寄二弟信。寄杜海生信。上午得三弟信，初四日发。收四日《民兴日报》一分。午后与齐君宗颐赴天津，寓其族人家，夕赴广和楼考察新剧，则以天阴停演，遂至丹桂园观旧剧。

十一日 上午至日租界加藤洋行购领结一，六角五分，革履一，五元四角。午后赴天乐园观旧剧。夜仍至广和楼观新剧，仅一出，曰《江北水灾记》，勇可嘉而识与技均不足。余皆旧剧，以童子为之，观者仅一百卅余人。

十二日 晚自天津返北京。微雨。得二弟及信予信，并六日发。收五日《民兴报》一分。

十三日 晚小雨。饮于广和居，国亲为主，同席者铭伯、季市及俞英崖。收六、七日《民兴日报》各一分，有《童话研究》，起盖作也。

十四日 晨寄三弟及二弟妇信。午后与梅君光羲、吴〔胡〕君玉搢赴天坛及先农坛，审其地可作公园不。收八日《民兴报》一分。

十五日 午寄二弟信。下午得二弟及三弟信，并九日发。收九日《民兴日报》一分。

十六日 星期休息。上午赴青云阁购袜子、日伞、牙粉等共二元六角。又赴琉璃厂购《龚半千画册》一本，八角。陈仁子《文选补遗》、阮刻《列女传》各一部，共六元。下午寄二弟及三弟信。晚协和、谷青来谈。

十七日 收十日、十一日《民兴报》各一分。大热。

十八日 晨头痛，与齐寿山闲话良久始愈。晚雷雨。

十九日 旧端午节。收十二日《民兴报》一分。夜铭伯、季市招我饮酒。

二十日 收十三日《民兴日报》一分。

二十一日 下午四时至五时赴夏期讲演会演说《美术略论》，听者约三十人，中途退去者五六人。收十四日《民兴日报》一分。收共和党事务所信。

二十二日 得二弟信，十五日绍兴发。又得升叔信，十六日九江发。收十五、十六日《民兴日报》各一分。蔡总长元培于昨日辞职。收共和党证及徽识。

二十三日 星期休息。上午寄三弟信，内附与二弟信一小函。下午董恂士来谈，晚饮于广和居，铭伯亦去，季市为主。收十七、十八日《民兴日报》各一分。

二十四日 无事。

二十五日 雨，傍午霁。午后视察国子监及学宫，见古铜器十事及石鼓，文多剥落，其一曾剜以为臼。中国人之于古物，大率尔尔。

二十六日 上午太学守者持来石鼓文拓本十枚，元潘迪《音训》二枚，是新拓者，我以银一元两角五分易之。下午得二弟信，二十一日杭州发，内附《童话研究》草稿四枚。收十

九、二十日《民兴日报》各一分。收全浙公会信，内《全浙公会章程草案》四纸，发起者孙宝瑚、汪立元、王潜、李升培、王葵、王亮等，皆不相识，未知其人如何，拟置不报。

二十七日 下午假《庚子日记》二册读之，文不雅驯，又多讹夺，皆记“拳匪”事，其举止思想直无以异于斐、澳野人。齐君宗颐及其友某君云皆身历，几及于难，因为陈述，为之瞿然。某君不知其名氏，似是专门司司员也。收二十一日《民兴日报》一分。

二十八日 午后小雨，旋止。四时赴夏期讲演会述《美术略论》，至五时已。收三弟信，二十二日发。收二十二日《民兴报》一分。晚复雨，旋止。

二十九日 晨寄二弟信。又寄三弟信。收本月津帖六十元。下午至直隶官书局购《雅雨堂丛书》一部二十册，十五元。《京畿金石考》一部二册，八角。得二弟妇信，附芳子信一纸，二十三日发。收二十三日《民兴报》一分。夜饮少许酒。

三十日 星期休息。上午谢西园来，云居香炉营头条谢宅，商生契衡亦至，饭于广和居，午后并去。收二十四日《民兴报》一分。

七 月

一日 部改上午七时半至十一时半为理事时间。得二弟信，六月二十六日杭州发。收六月二十五日《民兴日报》一分。

二日 蔡总长第二次辞职。收协和还金五元。收二十六日《民

兴报》一分。

三日 下午与季市浴于观音寺街之升平园，甚适。至琉璃厂购明袁氏本《世说新语》一部四册，二元八角，尚不十分剥弊，惜纸劣耳。又《草堂诗余》一册，二角，似是《词学丛书》残本也。

四日 上午寄二弟信。午得陈子英信，二十七日绍兴发。又得三弟信并《近世地理》一册，二十八日绍兴发。收廿七、廿八日《民兴报》各一分。

五日 大雨。下午四时赴讲演会，讲员均乞假，听者亦无一人，遂返。寄三弟信，内附与二弟妇及芳子信一小函。得二弟信，三十日发。夜又大雷雨。

六日 雨。晨寄二弟信。午得三弟信，二十九日发。收二十九日《民兴日报》一分。晚与季市同饮于广和居。

七日 星期休息。晨得刘楫先信，初一日上虞发。午得二弟信，初一日发。收六月卅、七月一日《民兴日报》各一分。午后协和、谷青来。夜雨。

八日 雨。上午得上海通俗教育会信并《通俗教育研究录》一册。

九日 晴。下午收二日、三日《民兴日报》各一分。临时教育会议开始。夜小雨。

十日 晴，热。上午九时至十时诣夏期讲习会述《美术略论》，听者约二十余人。午前赴东交民巷日本邮局寄东京羽太家信并日银十圆。下午与季市访蔡子民于其寓，不值。夜小雨。

十一日 寄三弟信，内附与二弟信一小函，又与二弟妇笺一枚。

- 收小包一，內 P.Gauguin:《Noa Noa》，W.Wundt:《Einführung in die Psychologie》各一冊，六月二十七日紹興發。夜讀皋庚所著書，以為甚美；此外典籍之涉及印象宗者，亦渴欲見之。夜收初四日《民興日報》一分。夜大雨。
- 十二日 晴。下午得二弟信，五日發。又得三弟信，六日發。
- 晚收五日、六日《民興日報》各一分。夜雨。聞臨時教育會議竟刪美育。此种豚犬，可伶可伶！
- 十三日 雨。無事。
- 十四日 晴。星期休息。晨寄二弟及三弟信。上午張協和、楊莘士來。收初七日《民興日報》一分。下午偕銘伯、季市飲于廣和居，甚醉。夜又收初八日《民興日報》一分。
- 十五日 上午至教育會傍聽少頃。下午部員為蔡總長開會送別，不赴。收初九日《民興日報》一分。
- 十六日 晨收本月分津帖六十圓。收初十日《民興日報》一分。
夜雨。
- 十七日 雨。教育部次長范源濂代理總長。上午九時至十時在夏期講會述《美術略論》，初止一人，終乃得十人，是日講畢。傍晚晴。下午謝西園來談，假去十元。晚飲于季市之室。
- 十八日 上午收十一日《民興日報》一分。下午大熱，動雷。
- 十九日 晨得二弟信，十二日紹興發，云范愛農以十日水死。
悲夫悲夫，君子無終，越之不幸也，於是何几仲輩為群大蠹。午收十二、十三日《民興日報》各一分。下午與季市訪蔡子民不遇，遂至董恂士家，與錢稻孫談至晚才返。
- 二十日 上午寄二弟信。又寄陳子英信。收十四日《民興報》一

分。下午赴青云阁购日用什物，又至琉璃厂购黄子久《秋山无尽图卷》一册，五角。《梦窗词》一册，四角。《老学庵笔记》二册，八角。晚杨莘士、钱稻孙来，遂同饮于广和居，季市亦往。夜大雨。

二十一日 阴。星期休息。上午雨。胡孟乐来。杜海生来。下午大雨。蔡谷青来。晚得二弟及三弟信，十五日发。又收十五日《民兴报》一分。

二十二日 大雨，遂不赴部。晚饮于陈公猛家，为蔡子民饯别也，此外为蔡谷青、俞英厓、王叔眉、季市及余，肴膳皆素。夜作均言三章，哀范君也，录存于此：

风雨飘摇日，余怀范爱农。华颠萎寥落，白眼看鸡虫。
世味秋荼苦，人间直道穷。奈何三月别，竟尔失畴躬！
海草国门碧，多年老异乡。狐狸方去穴，桃偶已登场。
故里寒云恶，炎天凜夜长。独沈清冷水，能否涤愁肠？
把酒论当世，先生小酒人。大圜犹茗芋，微醉自沈沦。
此别成终古，从兹绝绪言。故人云散尽，我亦等轻尘！

二十三日 雨。天气颇寒。上午收十七日《民兴日报》一分。下午杜海生来。俞英厓以吴镇及王铎画山水见视。

二十四日 阴。上午得羽太家信，十七日东京发。收夏期讲演会车马费十元。收十六、十八日《民兴日报》各一分。午后微雨。

二十五日 阴。下午寄二弟信，内附与三弟笺一枚。钱稻孙来。

二十六日 晴。闻教育部总长为范源廉。下午谢西园来。得二弟信，二十日发。收二十日《民兴日报》一分。俞英厓、王

叔眉兩君來。

二十七日 上午寄二弟信。午得二弟及三弟信，二十一日發。

收二十一日《民興報》一分。晚與季市赴谷青寓，燮和亦在，少頃大雨，飯後歸，道上積潦二寸許，而月已在天。

二十八日 星期休息。晨稻孫來，午饭于廣和居，季茀、莘士在坐。飯後赴吳興館，夜又飯于便宜坊。收十九日《民興日報》一分。雨。

二十九日 雨。無事。夜雨。聞董恂士為教育部次長。

三十日 晴。午后收二十二及二十三日《民興日報》各一分。下午赴中國通俗教育研究會，傍晚乃散。此會即在教育部假地設之，雖稱中國，實乃吳人所為，那有好事！晚恂士來，飯于季市之室。

三十一日 晴，午后雨。本部開談話會，總、次長演說。下午收二十四、二十五日《民興日報》各一分。傍晚晴。

八 月

一日 午后稻孫來，在季茀之室，遂同往琉璃廠，購《埤雅》一部四本，二元，似明刻也。晚飲于廣和居，頗醉。

二日 午前得二弟信，二十七日發，有哀范愛農詩，云：天下無獨行，舉世成委靡。皓皓范夫子，生此叔季時。傲骨遭俗嫉，屢被蠍蟬欺。侘傺盡一世，畢生清水湄。今聞此人死，令我心傷悲。扰擾使君輩，長生亦爾為！收廿七日《民興日報》一分。午后寄二弟信。錄汪文台輯本《謝沈后漢書》一卷畢。又收廿六日《民興報》一分。晚楊莘士招飲于廣和居，同席者章演群、錢稻孫、許季黻。夜風，微

雨。

三日 雨，上午晴。无事。

四日 晴。星期休息。上午收廿八日《民兴日报》一分。午后钱稻孙、杜海生来。晚删若木来。

五日 上午冯汉叔至部见访。午收二十九日《民兴日报》一分。

下午赴部听教育会议员说各地教育状况，而到者止浙江二人。晚雨，有风。

六日 雨。伍博纯来劝入通俗教育研究会甚力，却之不得，遂允之。收卅日《民兴日报》一分。

七日 晴。上午冯汉叔至部见访。午归寓途中车仆堕地，左手右膝微伤。见北京报载初五日电云，绍兴分府卫兵毁越铎报馆。收七月卅一日、八月一日《民兴日报》各一分。晚得二弟所寄小包，内复氏《美术与国民教育》一册，福氏《美术论》一册，均德文，一日付邮。

八日 上午得二弟信，二日发。下午寄二弟信。钱稻孙来。

九日 晨得谢西园信并还银十圆。午后张燮和来，同季市饮酒少许。夜雨。

十日 阴，午后雨。晚小饮于季市之室。

十一日 雨。星期休息。午后杜海生来。下午杨莘士、钱稻孙来。晚收二弟所寄德文恩氏《近世造形美术》一册，初五日付邮。

○十二日 晴。数日前患咳，疑是气管病，上午就池田医院诊之，云无妨，惟神经衰弱所当理耳。与水药、粉药各二日分，价一元二角，又初诊费二元。下午得二弟及三弟信，初六日发。半夜后邻客以闽音高谈，狺狺如犬相啮，不得

安睡。

十三日 阴。上午寄二弟及三弟信。

十四日 晴。上午至池田医院就诊。午后同季市至廊房头条劝工场饮茗，余又理发。复至土地祠神州国光社购《南雷余集》一册，《天游阁集》一册，共一元二角。夜饮于季市之室，食蒲陶、鲅鱼、杏仁。得二弟所寄小包二，内《域外小说集》第一、第二各五册，初八日付邮，余初二函索，将以贻人者也。

十五日 以《或外小说》贻董恂士、钱稻孙。午后张协和来。晚写汪文台辑本《谢承后汉书》八卷毕。阅赵蕤《长短经》，内引虞世南史论，录之。

十六日 阴。自本日起以上午九时至下午四时半为办公时间，此为部令破旧定规则者也。午大雨，下午晴。得二弟所寄 V. van Gogh:《Briefe》一册，十日付邮。夜饮于季市之室。

十七日 晴。上午往池田医院就诊，云已校可，且戒勿饮酒。
假得《续谈助》二册阅之。

十八日 星期休息。午得二弟信，十二日发。下午寄二弟信。

十九日 下午谢西园来，未遇，见其留刺。旧历七夕，晚铭伯治酒招饮。

二十日 上午同司长并本部同事四人往图书馆阅敦煌石室所得唐人写经，又见宋、元刻本不少。阅毕偕齐寿山游十刹海，饭于集贤楼，下午四时始回寓。

二十一日 午后蔡国青来。得冯汉叔名刺，知上午来访。

二十二日 晨见教育部任命名氏，余为金事。上午寄蔡国青